

ფრინველების რეპელენტური სისტემების მაგალითები

საჭიროების შემთხვევაში, მყარი არასახიფათო ნარჩენების განთავსების ობიექტზე შეიძლება გამოყენებულ იქნეს სხვადასხვა ტიპის რეპელენტური სისტემები ფრინველების დასაფრთხობად. ფართოდ გამოყენებული რეპელენტებია:

1. პროპანის მფრქვევები (Propane cannons);
2. ბიოაკუსტიკური მოწყობილობა;
3. ლაზერული რეპელენტი;
4. ვიზუალური ოპტიკური საშუალებები;
5. დაფრთხობა ძაღლებით;
6. დაფრთხობა ფრინველების ფიტულით;
7. დაფრთხობა მტაცებელი ფრინველებით.

ქვემოთ მოცემულია რეპელენტური სისტემების შემოთავაზებული ტექნიკური მახასიათებლები:

#	ტექნიკური მახასიათებლები	
1	სისტემის 1 კომპლექტის სამუშაო არეალი	სულ მცირე 4 ჰა
2	გამოცემული ზგერის სიძლიერე	96 დბ-მდე
3	დაფრთხობისთვის გამოყენებული ნივთიერება	პროპანი
4	დაფრთხობისთვის გამოყენებული ნივთიერების რაოდენობა (ბალონი)	სულ მცირე 12 ლ
5	1 ბალონით განხორციელებული მინიმალური გაფრქვევები	15,000 გაფრქვევა
6	ოპერირება	6-12 V აკუმულატორი
7	გაფრქვევის ტიპები	სულ მცირე 3 სხვადასხვა ტიპის
8	ოპერირების ინტერვალი (გაფრქვევებს შორის ინტერვალი და გაფრქვევის ტიპებს შორის ინტერვალი)	ავტომატური ან ელექტრონული

ფრინველების რეპელენტური სისტემის მაგალითია **Purivox Carousel Triplex V bird repellent**. ეს არის ეფექტური ფრინველების დამფრთხობი მოწყობილობა, რომლის ზემოქმედება ვრცელდება 4-5 ჰა-ზე. გარემო პირობებიდან გამომდინარე, ამ მოწყობილობით შესაძლებელია 25 ჰა-მდე ტერიტორიის დაცვა და ახდენს 3 სხვადასხვა ტიპის გაფრქვევას. იგი გამოიყენება:

- სხვადასხვა სამრეწველო ობიექტზე;
- აეროპორტებში;
- სოფლის მეურნეობაში;
- ნაგავსაყრელებზე;
- და სხვ.

ბგერის გამომცემი მოწყობილობა და ელექტრონული კვანძი ხელსაწყოს ზედა ნაწილშია მოქცეული. სამფეხა სადგამის ბრუნვა შესაძლებელია გაფრქვევის ტიპის შესაბამისად და დაფარვის არეალია ხელსაწყოს გარშემო 360°. მოწყობილობა დგას 2 მეტრის სიმაღლეზე მყარ სამფეხა სადგამზე და შესაძლებელია ნებისმიერი ტიპის ზედაპირზე დამაგრება. მოწყობილობის ელექტრონული კვანძი იძლევა მისი დარეგულირების ფართო შესაძლებლობას:

- ინტერვალების გადართვას;
- გაფრქვევის რაოდენობის დაყენებას;
- გაფრქვევის მოცულობის დაყენებას.

მეორე მაგალითია **ფრინველების ციფრული რეპელენტი**, რომელიც გამოსცემს სხვადასხვა სიძლიერის ბგერებს სხვადასხვა სახეობის ფრინველების დასაფრთხობად. ამ დანადგარის სამუშაო ფართობია 4,000 მ² და მუდმივი დენის წყაროს გარდა შესაძლებელია 12 V ბატარეით აღჭურვა. საკმაოდ ეფექტურია თუ აღნიშნული ხელსაწყოს გამოყენება მოხდება სხვა რეპელენტებთან კომბინაციაში, მაგ., დაფრთხობა მტაცებელი ფრინველებით ან დაფრთხობა 3D ეფექტის მქონე ბურთის საშუალებით.